



Број/Број: 03-/4-50-1-10-12-10/8
Сарајево/Сарајево: 3. 6. 2008. године

Z A P I S N I K

12. сједнице Зједничке комисије за европске интеграције Парламентарне скупштине БиХ, одржане 3. 6. 2008. године

Сједница је почела у 11 сати.

Предсједavajuћи Halid Genjac сазвао је 12. сједницу Зједничке комисије за европске интеграције Парламентарне скупштине БиХ.

Сједници су присуствовали чланови Зједничке комисије: Halid Genjac, Drago Ljubičić, Ivo Miro Jović, Šemsudin Mehmedović, Rudo Vidović, Zoran Koprivica, Milica Marković i Selim Bešliagić, te Vladana Lučić, стручни сарадник у Зједничкој комисији. Alma Čolo, Branko Dokić i Hilmo Neimarlija оправдали су одсуство. Сједници је присуствовао и Osmo Topčagić, директор Дирекције за европске интеграције са сарадницима, Husein Nanić, посланик у Представничком дому и предлагач Иницијативе, te Elma Kadić из OSCE-овог Програма јачања закондавне власти.

Сједницом је предсједavaо предсједavajuћи Зједничке комисије Halid Genjac.

DNEVNI RED

1. Usvajanje Zapisnika 11. сједнице Комисије;
2. Upoznavanje o dokumentima: Ažurirano partnerstvo, Sporazum o stabilizaciji i pridruživanju, Mapa puta - liberalizacija viznog režima (aktuelno stanje i predstojeće obaveze);
Uvodno izlaganje: Osman Topčagić, директор Дирекције за европске интеграције;
3. Izjašnjavanje o Inicijativi poslanika Huseina Nanića;
Komisija razmatra Inicijativu kao nadležna Komisija u skladu s članom 20. tačka e) Poslovnika Predstavničkog doma Parlamentarne skupštine BiH;
4. Tekuća pitanja.

Ad. 1. Usvajanje Zapisnika 11. sjednice Komisije

Nakon što je jednoglasno usvojen dnevni red, prisutni članovi jednoglasno su usvojili Zapisnik 11. sjednice Komisije, koji im ranije dostavljen.

Ad. 2. Upoznavanje o dokumentima: Ažurirano partnerstvo, Sporazum o stabilizaciji i pridruživanju, Mapa puta - liberalizacija viznog režima (aktuelno stanje i predstojeće obaveze)

Uvodno izlaganje: Osman Topčagić, direktor Direkcije za evropske integracije

Osman Topčagić, direktor Direkcije za evropske integracije, zahvalio je na pozivu predsjedavajućem Komisije, naglasivši da je ovo pravi trenutak da se članovi Komisije upoznaju o aktuelnom stanju i predstojećim obavezama BiH, sadržanim u navedenim dokumentima, s obzirom da se BiH nalazi pred potpisivanjem Sporazuma o stabilizaciji i pridruživanju. On je naglasio da je Bosna i Hercegovina ispunila sve uslove za potpisivanje Sporazuma, tako da je izvjesno da će biti potpisan 16. juna 2008. u Luksemburgu. Zatim je podsjetio da je u 3. evropskom partnerstvu sadržano 9 ključnih, 115 kratkoročnih i 53 srednjoročnih prioriteta, koje BiH treba da realizira nakon potpisivanja Sporazuma o stabilizaciji i pridruživanju. Na ovaj dokument EU, Bosna i Hercegovina treba da odgovori akcionim planom za provođenje prioriteta, koji je u fazi izrade i čija se finalizacija očekuje do kraja narednog mjeseca.

Direkcija za evropske integracije pripremila je metodologiju i organizaciju rada za izradu Programa integriranja BiH u EU, koji se može posmatrati kao cjelovit dokument koji će objediniti plan provođenja Sporazuma o stabilizaciji i pridruživanju i prioriteta Evropskog partnerstva, u svrhu provođenja ključnih reformi. Program integriranja BiH u EU je zatim dostavljen svim institucijama uključenim u proces integriranja, napravljen je plan rada i utvrđeni su rokovi realizacije.

Govoreći o tehničkim detaljima teksta Sporazuma o stabilizaciji i pridruživanju, direktor DEI-a je, između ostalog, rekao da je Vijeće ministara BiH osnovalo Komisiju za prevođenje Sporazuma, a da je prevodilačka služba u Generalnom sekretarijatu Vijeća EU izvršila dodatne provjere, te izrazila zadovoljstvo finalnom verzijom.

On je naglasio da je EU učinila ustupak Bosni i Hercegovini, tako da će Sporazum stupiti na snagu 1. jula, a da je BiH spremna za obaveze koje predstoje nakon stupanja na snagu privremenog Sporazuma, koji zatim ide u proceduru ratifikacije. Od 1. jula na snagu stupa novi carinski režim, kojim se uspostavlja zona slobodne trgovine, odnosno snižavanje ili ukidanje carina na određene robe (industrijska roba, repromaterijali, oprema) što će jednim dijelom biti i stimulacija za domaću proizvodnju.

Direktor Direkcije za evropske integracije je zatim govorio o obavezi BiH da progresivno usklađuje svoje zakonodavstvo s evropskom pravnom tečevinom (propisi i direktive). Bosna i Hercegovina treba da uskladi oko 1200 zakona, podzakonskih akata i uputstava s

aquis communautaire. On je također rekao da će za ovaj složen i dugotrajan proces određena sredstva biti osigurana iz pretpripravnih fondova kroz realizaciju projekata tehničke pomoći.

Govoreći o zvaničnom otvaranju pregovora o liberalizaciji viznog režima, direktor DEI-a podsjetio je na nedavni sastanak predsjedavajućeg Vijeća ministara BiH sa Žakom Baroom, potpredsjednikom Evropske komisije i komesarom za pitanja pravde, sigurnosti i ljudskih prava u Evropskoj komisiji, i Olijem Renom, komesarom za proširenje u Evropskoj komisiji. Na tom sastanku službeno su otvoreni pregovori o liberalizaciji viznog režima između BiH i Evropske komisije. Početak pregovora o viznim olakšicama pozitivna je poruka upućena BiH, kao i jasan znak podrške evropskoj perspektivi BiH ka punopravnom članstvu u EU. Dijalog o liberalizaciji viznog režima zasnovat će se na Mapi puta koja će sadržavati uslove koje BiH mora ispuniti i aktivnosti koje mora preduzeti s ciljem liberalizacije viznog režima. To se, prije svega, odnosi na sigurnost putnih isprava i u tom kontekstu uvođenja biometrijskih pasoša, borbu protiv ilegalne migracije, korupcije te protiv organiziranog kriminala. Direktor Direkcije rekao je da se u BiH već preduzimaju određene aktivnosti po pitanju obaveza koje stoje pred BiH u vezi s Mapom puta, te podvukao da se ukidanje viza predviđa 2010. godine, kad BiH očekuje dobivanje statusa kandidata, nakon čega slijedi otvaranje pregovora o punopravnom članstvu BiH u EU.

U diskusiji nakon izlaganja direktora DEI-a, učestvovali su: Halid Genjac, Šemsudin Mehmedović, Selim Bešliagić i Drago Ljubičić.

Dogovoreno je da Komisija za evropske integracije inicira održavanje zajedničke sjednice oba doma Parlamenta BiH, nakon potpisivanja Sporazuma o stabilizaciji i pridruživanju, na kojoj bi se raspravljalo o spremnosti institucija BiH za ispunjavanje obaveza koje su sadržane u navedenim dokumentima.

Ad. 3. Izjašnjavanje o Inicijativi poslanika Huseina Nanića;

Komisija razmatra Inicijativu kao nadležna Komisija u skladu s članom 20. tačka e) Poslovnika Predstavničkog doma Parlamentarne skupštine BiH

Predsjedavajući Zajedničke komisije Halid Genjac upoznao je članove Komisije o Inicijativi poslanika Huseina Nanića, kojom se zadužuje Vijeće ministara BiH da pripremi i Parlamentarnoj skupštini BiH dostavi Informaciju o spremnosti institucija BiH za preuzimanje obaveza u vezi s primjenom Sporazuma o stabilizaciji i pridruživanju.

Komisija je razmatrala Inicijativu i nakon rasprave jednoglasno usvojila sljedeći

Z a k l j u č a k

Komisija podržava Inicijativu i predlaže Predstavničkom domu i Domu naroda da usvoji Inicijativu kojom se zadužuje Vijeće ministara BiH da pripremi i Parlamentarnoj skupštini BiH dostavi Informaciju o spremnosti institucija BiH

za preuzimanje obaveza u vezi s primjenom Sporazuma o stabilizaciji i pridruživanju, u najkraćem roku, a najkasnije za 45 dana.

Ad. 4. Tekuća pitanja:

- posjeta Odboru za evropske poslove Državnog zbora R Slovenije

Dogovoreno je da u jednodnevnu radnu posjetu Odboru za evropske poslove Državnog zbora Slovenije putuje delegacija u kojoj će biti: Halid Genjac, Ivo Miro Jović i Drago Ljubičić. Realizacija ove posjete planirana je za 1. juli 2008. godine.

Sjednica je završena u 12,30 sati.

Predsjedavajući
Zajedničke komisije
Halid Genjac